

AGENDRE TRINITATIS

MINGGU 20 OKTOBER 2024

1. FANGOWAI BA FOGAONI

(Tedöni dorosi , möi ndra sohalöwö bakha ba gosali, ba lahalö wangahono dödö banua niha Keriso ba wangondrasi ba ba wasumangeta khö Lowalangi).

- Fangowai** :
SA : Ya'ami banua Zo'aya, Ya somuso tödö ba sowuawua tödö ami ba we'amöi föna Keriso ma'ökhö andre. Ma'owai Ami fefu, : Ya'ahowu.
SATO : Ya'ahowu !
SA : Ya faofao khömi Lowalangi...
SATO : Ya fao Khöu Geheha-Nia
Fogaoni :
SA : Da ta'owuawua'ö dödöda wangondrasi Yehowa, da ta'omusoi'ö dödöda ba wamalua fasumangeta khö Lowalangi. Tasuno Ia, manunö ita moroi ba Mbuku Zinunö **numero 9**

9. BÖI TEBATO WANUNOGU

1

do = es 4/4

MM = 96 - 104

1. Böi tebato wanunogu, Lowalangi So ' aya.
 Fa ' auri ba si so khögu, ya oi sumange-Nia.
 Ha sambalö fa ' omasi, ba fa 'ebua dödö,
 mbuala Lowalangi, ba zamati sanau ' ölö.
 Lö faröi sa Zo ' aya, he adudu danöda.
2. No töra moroi khö nina, wendroro ononia,
 Wamaeri Yesu So' aya, ya' o tana khö-Nia.
 Me omasi Lowalangi, na auri göi ndra' odo.
 Andrö wa no Ikaoni, afu u' o' ö Keriso.
 Lö faröi sa Zo' aya, he adudu danöda.

2. FANGA'ARO'Ö WA'OWULO (VOTUM)

- SA** : Da tahonogö dödöda ba wariawösa, ba ba wa hasambua khö Lowalangi, (Muzizio zato):
 No owulo ita ba da'e ba döi Lowalangi Ama, ba ba döi nono-Nia Yesu Keriso, ba ba döi Geheha Ni'amoni'ö. Fangorifida ha ba döi Yehowa si no momböi banua si yawa awö danö.....

SATO : YADUHU

- SA** : Ba u'ila Zo'aya, si dadao ba dadaoma sebua, si no alawa: anönö gosali ahe mbaru-Nia, önö gafi zamösana. Dua mbalubalu mbawa ba dua mbalubalu gahe ba dua ba Wehombo. Ba faoma lamane-mane we'ao khö nawöra: Ni'amoni'ö, Ni'amoni'ö, Ni'amoni'ö Yehowa ngahönö andrö; no anönö lakhömi-Nia guli danö ma'asagörö. HALELUYA.....

SA : **Manunö** : BZ. : 452

Haleluya..... Haleluya..... Haleluya.....

- SA** : Mangandrö ita :
 He Yehowa Lowalangi Ama, Ono ba Eheha Ni'amoni'ö. Möiga mangalulu ba wangandrö saohagölö me no Örorogö, Ö'orifi, ba Öbohouniga fa'omasi-Mö andrö. Ma'andrö khö-U, tohugö wa'ebua dödö-U khöma, rorogöga ba ngawalö de'ala, efa'öga ba wanandraigö, rara dödö bangawalö gabula dödö, tundrehehi faböi alau ndra'aga. Fatöröga ba zomasi Ndra'ugö irugi gamozua, fa makhamö

nahia ba zi so Ya'ugö. Si lö mo'aetufa nisuna ba nifolakhömi Ndra'ugö, awö Zo,aya ya,aga Yesu Keriso ba Eheha Ni'amoni'ö, Yaduhu. (Mudadao zato)

3. MANUNÖ moroi ba Mbuku Zinunö Numero 207

207. NÖNÖ NA HAGAMÖ 1

do = g 3/4 ; 4/4

MM = 96 - 104

1. Nönö na haga-Mö, Yesu So ' aya.
Bakha ba dödöma fefu, fangoroma ' ö zinegu.
Horö nilauma götö wa ' ara.
2. Faduhu dödöma no elunguga,
Wolo' ö nikhoi dödöma, me mawalinga harema.
Kaoni ndra' aga, ohe ba haga.

4. FOMBASO TAROMA LI LOWALANGI FAMÖRÖGÖ (AF)

: Da tafondrondrongo daroma Li Lowalangi, tehalö moroi ba zura Yosua 24:12-24

12. Ba ufowaõwaõ fõnami geto, ba moloi ira fõnami labe'e, razo Ndraono Gamori andrö, si felendrua; tenga ba zi'õlimi ba tenga ba wanami!
13. Ba ube'e khõmi danö ba zi lö erege dödömi, ba banua si tenga nitaru'õmi, ba mibali'õ nahiami, ba kabu nagu ba kabu nohi, si tenga nitanõmi, ba mi'a mbua."
14. Ba mi'ata'ufi sa'ae Yehowa ba mifosumange ia moroi si'aikö ba dödömi ba bõi farõi ami, ba miheta nadu andrö, nifosumange ndra tuami yefo nidanö andrö ba ba danö Miserayi, ba mifosumange Yehowa.
15. Ba na lö omasi ami wamosumange Yehowa, ba mihonogõi ma'õkhö, ha niha nifosumangemi, na Lowalangi andrö, nifosumange ndra tuami, si so yefo nidanö andrö, ba na Lowalangi Ndraono Gamori andrö, si so ami ba danö; ba ya'odo ba soroiyomogu fefu, ba Yehowa mafosumange!
16. Ba latema li sato, lamane: Ya arõu khõma wangerogõ Yehowa, ba wamosumange Lowalangi bõ'õ!
17. Yehowa sa Lowalangima; ya'ia sa zolohe miyawa ya'ita ba ira amada moroi ba danö Miserayi, ba zi no mõi sawuyu ita, ba solau sahõlihõli dödö andrö, ba zanehe ita, ba sondrorogõ ya'ita ba lala andrö fefu, nitöröda, ba ba niha fefu, nitöröda tanö.
18. Ba no ahoi itimba fõnada Yehowa soi andrö, awö Ndraono Gamori, si so ba danö. Ya'aga gõi mamosumange Yehowa, me no ya'ia Lowalangima!
19. Ba imane Yosua ba zato: Tebai samosumange Yehowa ami, me no Lowalangi ni'amoni'õ ia; Lowalangi solohu ia: lö ibe'e aefa khõmi lalõmi ba horõmi andrö!
20. Na mi'erogõ Yehowa, wamosumange Lowalangi bõ'õ, ba i'erogõ gõi ami ba ifatörõ khõmi zi lö sõkhi ba ihori ami, lö lai wa no si sõkhi ifatörõ khõmi mege.
21. Lamane sato khõ Yosua: Bõi, Yehowa mafosumange!
22. Ba imane Yosua ba zato: Ya'ami zi so ba mbörõ khõmi, wa no mihonogõi, Yehowa nifosumangemi. Lamane: Ya'ia da'õ!
23. Ba miheta Lowalangi bõ'õ andrö, si so ba khõmi, ba ena'õ khõ Lowalangi Ndraono Gizeraëli andrö, Yehowa, aolo dödömi!
24. Ba lamane sato khõ Yosua; Lowalangima, Yehowa andrö, mafosumange ba linia mafondrondrongo!

Simanö daroma Li Lowalangi, da tatema'ö faoma sinunö: BZ.Numero 20:1

BZ. No: 20. MISUNOSUNO ZO'AYA

1. Misunosuno Zo 'aya, mi bè zumange-Nia.
Mi 'ebua 'ö dōi-Nia, sotōi banua-Nia.
Me no Ikaoni göi ami, afu mitemawa'auri, khö Yesu, Sangorifi.

5. FANGANDRÖ FANGEFA HORÖ

SA : Ya'ami ira talifusö'

Na tawa'ö lö horöda, ba talimo ita, ba siduhu lö'ö ba dödöda. Na ta'ombakha'ö Horöda, ba lö faröi Ia, ba no satulö Ia,fa'i'efa'ö khöda horö andrö, ihaogö ita, awö wa'iheta fefu zilö atulö. Andrö da möi ita föna Lowalangi si fao fangidengide'ö ba wangombakha horöda, (muzizio ita fefu)

Mangandrö ita :

He Yehowa Lowalangi, si lö ambö fa'abölö, ba si no fahöna fa'omasi. Mafaduhu'ö wa tenga sinangea ndra'aga tanö föna-Mö, me no fahöna höröma si no mafalua i'otarai iraono ndra'aga, he ba wehedema, era'era dödöma, awö gamuatama si lö faudu ba daroma Li-Mö. Andrö möiga khö-U ba wangandrö fa'ahakhö dödö-U, ena'ö Ö'efa'ö khöma horöma andrö si no mafalua, irege sohahau tödö ndra'aga wanohugö fekolima ba zi so fönama si faudu ba zomasi Ndra'ugö. Hakhösi dödö-U khöma Ama, ba be'e aefa khöma horöma andrö ma'afefu, Yaduhu.

SATO : Manunö : BZ. Numero 224 : 1

224. NA'UBINI'Ö HORÖGU KHÖ YESU

1. Na'ubini'ö horögu khö Yesu, ba lö usöndra za hono dödögu
U'ombakha'ö ngawalö horögu, mo lala dödö.

SA : **Turia Wangefa horö** : "Utayaigö golalöwamö, si mane lawuo, awö horöu, si mane sau. Tema fuli'ö khö-Gu, me no U'orifi ndra'ugö.
LAKHÖMI KHÖ LOWALANGI SI YAWA.....

SATO : Manunö:

450. BA FA'ATULÖ BA GULIDANÖ

1. Ba fa 'a tulö ba gulidanö ba niha ni'omasi 'ö andrö
(mudadao zato)

6. FOMBASO TAROMA LI LOWALANGI FÖNA HUHUUO (AB)

: Da tafondrondrongo daroma Li Lowalangi, tehalö moroi ba zura Mareko 7:1-8

1. Ba owulo khönia warizaio ba sangila amakhoita ösa, si otarai Yeruzalema.
2. Ba me la'ila nifahaönia ösa, si manga manö lö mombanö.
3. Lö'ö sa manga warizaio, awö niha Yehuda fefu, na lö muforege wanasai tanga, wolo'ö oroisa zatua andrö,
4. ba na la'otarai kade, ba lö manga ira, na lö si mondri, ba oya ngawalö tánö bö'ö, nifa'ema khöra, ni'o'ö, fanasai mako ba fanasai migö ba fanasai bowoa
5. Ba lasofu khönia farizaio andrö, awö zangila amakhoita andrö, lamane: Hana wa lö latörö lala goröisa zatua andrö ira nifahaönmö, hana wa manga manö ira lö mombanö?
6. Ba imane khöra: Si duhu nifa'ele'ö Yesaya andrö ba khömi, samini tödö andrö, si mané ba zura: "Lafosumange ndra'o bewera niha andre, ba tödöra, ba no aröu khögu.
7. Si lö guna wamosumangera ya'o, me nifakhoi dödö niha wamahaöra.

8. Oroisa Lowalangi mi'erogō, ba mi'o'ō gorōisa niha.

Ya'ahowu zamondrongo taroma li Lowalangi ba same'e ba dödö.

SA+SATO : Yaduhu

8. FASÖMBATA

SA : Iada'e tebe'e khöda ginötö ba wolohe fasömbata khö Lowalangi. Ta'osamuzaigö wame'e, he fasömbata si föföna, ba simanö göi zi mendrua awö zi medölu, sifao fangowuloi ame'ela persembahan Kasih. Ba si föföna ua da tafondrongo Li Lowalangi me imane:

❖ Same'e sumange fangandrö saohagölö, da'ö zamolakhömi Ya'odo, ba zi lö sinegu ba mbuabuania U'oroma'ö wangorifi andrö khö Lowalangi.

SA : Tafa'ema wasömbata khö Lowalangi, manunö ita moroi ba Mbuku Zinunö **Numero 311**

311. USUNO WONDREGE ZALAŴA 1

do = c 3/4

MM = 96 - 104

1. Usuno Wondrege ZalaŴa, sangohahau ' ö tödögu.
Utou ' ödo ba danga-Nia me Ibè wangorifigu.
Ya ' o niha si lö moguna ebua wa ' omasi - Nia.
2. Fa' ebua dödö-U, he Yesu, wa no ödönisido khö-U.
Andrö humulu göi dödögu, wanema fangorifigu.
Sangomasi' ö niha fefu, ha khö-U ululu wa' aurigu.
3. Khö-U dödögu, fao gera' era, me Ya' ugö zangöhöli.
Si no möi tou ba gulidanö, wanaögö huku salahi.
Si mate salahi zosala, andrö aefado ba de' ala.
4. Sebua töi Yesu So' aya, ba nifolakhömi Ia.
No I' alani wa' amate, no auri Yesu no möna.
Ba fa' amate si lö aetu, zinema zangerogö Yesu.

Na no awai la'owuloi/lafa'ema wasömbata, ba owulo tanö furi zangowuloi Fasömbata, lafendrongagö wolohe föna fasömbata, ba la'o'ö gofanöwa note zinunö (irama lagu).Fatua lö möi ira wolohe föna, ba imane Sangai Agendre:)

“Da tafasao wasömbatada andre föna Lowalangi,.....Muzizio ita fefu.....
Manunö ita moroi ba Mbuku Zinunö numero 261

261. YA'E ZUMANGE 1

Ira'alawe □

1. Ya ' e zumange fasömbata, ma ' ohe sumange Yehowa.

Iramatua

- Reff* :Ma'andrö khö-U fahowu'ö zumange ni 'ohema khö-Mö
2. Ya'e zumange fasömbata mabe'e soroi ba dödöma.
Reff : Ma'andrö khö-U
 3. Ya'e zumange fasömbata buala si'otarai Nama.
Reff : Ma'andrö khö-U
 4. Ya'e zumange fasömbata, boto, noso, ba fa'aurima
Reff : Ma'andrö khö-U
 5. Ya'e zumange fasömbata, lö irugi zomasi dödö-U.
Reff : Ma'andrö khö-U
 6. Ya'e zumange fasömbata, ma'aohasi gölö Zo'aya.

Reff : Ma'andrö khö-U

FANGANDRÖ : (*Fangandrö nidönia'ö fasamösa zangowuloi fasömbata, aefa da'ö ba lafa'ema ba Danga zangai huhuo, itema'ö sangai huhuo awena itou'ö ba dete meza. Ba na so Wasömbata si sambua ni'ofulu, owasa wanaru ma owasavwamasi, btn ba itema'ö sangai huhuo si fao taroma Li Lowalangi si faudu ba wasömbata ni'owuloi andrö*)

8. KOOR/VOKAL GROUP

SA : Da tafaogö dödöda ba wanuno Lowalangi faoma sinunö ni'olohesi:
Koor ba Vokal Group
a. Koor Jemaat
b. Kegiata Komisi Bapak (Koor/Vokal Grup)
c. Kegiata sektor 1 (Koor/Vokal Grup)
d.

9. MANUNÖ

SA : Da tafa'anö dödöda wamondrondrongo taroma Li Lowalangi, manunö ita moroi Ba Mbuku Zinunö **numero 163**

163. UHONOGÖ SIBAI DÖDÖGU

1. Uhonogö sibai dödögu ba wamondrondrongo li Mö Yesu Mangalulu ndra'odo föna-U ba gametahö-Mö ia da 'a Öbayoini Eheha-U Yesu dozigö mbanua samati khö-U. Ubokai dödögu khö-U Yesu nahia daroma li-U. Taroma li-Mö lö fa'atebulö menewi ma 'ökhö ba si 'ogötö'ö lö sa mamalö. Taroma li-Mö si möi fangabölö utema 'ö soroi ba dödö, tolo ba wolo'ö.

10. HUHUUO SEBUA

SH : Ya'irorogö dödömi, awö gera'erami fa'ohahau dödö andrö, khö Lowalangi, Sabölö moroi ba gera'era niha fefu, ba khö Keriso Yesu. Mangandrö ita.....Yaduhu.
a. Fombaso taroma Li Lowalangi **Roma / Roma 12:1-8 (Tuho Migu :Fasumangeta Somasi Lowalangi / Ibadah Yang Sejati)**
b. Fanuriaigö
c. Nitanö ba dödö. **Roma / Roma 12:1b (Ena'ö mibe'e sumange mbotomi, sumange sauri, ni'amoni'ö somasi Lowalangi; da'ö wamosumange Lowalangi khömi, si so tödö. / Supaya kamu mempersembahkan tubuhmu sebagai persembahan yang hidup, yang kudus dan yang berkenan kepada Allah: itu adalah ibadahmu yang sejati.)**
d. Fangandrö Fanga'aro'ö huhuo

SATO : Manunö : BZ. Numero 154 : 1

154. NO MAFONDRONDRONGO LIU ²

1. No mafondrondrongo li-U, Lowalangi So 'aya.
Tanö ba dödöma ia, fa böi olifuga.
Fahowu 'ö ia khöma, ena 'ö ohahau dödöma fefu.
Heta ba dödö zi lö sökhi, ma'o 'ö niwa 'ö-U.

11. TUHO WAMATI

SA : Me no tarongo daroma Li Lowalangi, ba da tafaogö Lida wamaduhu'ö famatida Ya'ita niha Keriso föna Lowalangi, muzizio ita fefu.....endronga lida

SA+SATO : ❖ Ya'o mamati khö Lowalangi Ama si lö ambö fa'abölö, somböi banua si yawa awö danö.
❖ Ya'o mamati Khö Yesu Keriso, So'aya ya'ita, Ono Lowalangi si ha samösa, nitema nina-Nia Maria khö Geheha Ni'amoni'ö, Ono nono alawe Ia, no manaögö huku Ia, barö mbawa Fondrio Filato, teforöfa Ia, mate,ba lako'o.

No möi Ia ba mbanua niha tou, no maoso Ia moroi ba ngai zimate me no irugi tölu ngaluo. No manahae Ia, möi ba zorugo, dumadao ba gambölö Lowalangi Ama si lö ambö fa'abölö. I'otarai da'ö mangawuli Ia dania ba wanguhuku niha sauri, awö zi no mate.

- ❖ Ya'ö mamati khö Geheha Ni'amoni'ö, ba ufati ha sambua mbanua ni'amoni'ö, fefu niha Keriso, fa'awösa niha ni'amoni'ö, ba fangefa horö, ba femaoso mboto zimate, ba fa'auri si lö aetu. Yaduhu. (Mudadao zato)

12. ANGOMBAKHATA BA MBANUA NIHA KERISO

13. SA : Da tafondrondrongo gangombakhata:.....

FAMALUA HALÖW FEMANGA GÖ NI'AMONI'Ö

14. MANUNÖ

SA : Manunö ita moroi ba Mbuku Zinunö **numero: 282 ayati 1-2**

282. LALAMÖ UTÖRÖ YESU

Lala : Da Tagohi Fa' aurida (No. 287)

do = f 4/4

MM = 88 - 96

1. Lala-Mö, utörö Yesu, lö faröi ndra' o.
Me no faduhu dödögu, lö Öroi ndra' o.
Da utara lahe-Mö, Yesu tolo ndra' odo.
Ya sagötö fekoligu, ha khö-Mö ndra' o.
2. Böi irörö ndra' o hare, ba gulidanö.
Fefu gisö' isö dödö, ya u' erogö.
Ha sambalö sa zaro, si lö mamalömalö.
Na Öfanema ndra' odo, fa' auri andrö.

15. FANGANDRÖ SALAHI + FAMATENGE + HOWUHOWU

SH : Muzizio ita fefu, mangandrö ita :.....(tetohugö) : Ba döi Zo'aya ya'aga Yesu Keriso, Si no mamahaö ya'aga ba wangandrö mamane :

SH + SATO : He Ama khöma siso ba zorugo, ya te'amoni'ö döi-U. Ya tobali banua-U fefu niha, Ya itörö zomasi ndra'ugö, hulö ba zorugo, ya si manö göi ba gulidanö. Öma sirugi ma'ökhö be'e khöma ma'ökhö andre. Ba efa'ö khöma horöma, si mane fangefa'öma sala ba zi so sala khöma. Böi ohe ndra'aga ba wanandraigö, efa'öga ba zi lö sökhi. Me ya'ugö zamatörö banua-U, ba sokhö fa'abölö, awö lakhömi, irugi zi lö aetu. Yaduhu

SH : FAMATENGE + HOWUHOWU :
Mi'angawuli si fao fa'ohahau dödö, ya tobali ami sura Keriso, samaduhu'ö Ya'Ia ba Lala wa'aurimi sero ma'ökhö, ba mitema (tatema) howuhowu Lowalangi :
❖ Ya mufahowu'ö ami/ita Lowalangi, Ya murorogö ami/ita
❖ Ya mufohaga mbawa-Nia Khömi/khöda, Ya mu'ebua'ö dödö-Nia khömi/khöda
❖ Ya mufalemba hörö-Nia khömi/khöda, Ya mube'e wa ohahau dödö khömi/khöda fefu. Yaduhu

SATO : Manunö BZ.Numero 325 ayati 3

282. LALAMÖ UTÖRÖ YESU

Lala : Da Tagohi Fa' aurida (No. 287)

do = f 4/4

MM = 88 - 96

3. Eheha Ni' amoni' ö, zanolo ya' o.
Sangoroma ba dödögu, röfa Keriso.
Ululu wa' aurigu, wanunonuno Yesu.
U' oigö sibai dödögu, wolo' ö Yesu.

SH : YA'AHOWU

SATO : YA'AHOWU